



COMUNU DE CABUDERRA

Tzitadi Metropolitana de Casteddu

Pragoni Sindacali
n. 21 de su 10/11/2020

OGETU: DISPOSTAS CONTRAS A SA SPAINADURA DE SU VIRUS COVID 19 – SERRADA LOCALI SCOLÀSTICU SCOLA DE PIPIESA PLESSU DE BIA DE BATTISTI

SU SÌNDIGU

Pigau autu ca ant agatau unu intzimiau de Covid 19 in sa scola de pipiesa de su Primu Circulu Didàticu de Cabuderra, su plessu de bia de Battisti, aici a cumentu scritu in sa nota prot. 0006013 de su 10/11/2020 intregada a sa Dirigenti scolàstica;

Stimau de depi pigai dònna disposta chi ddoi abisongit po amparai sa saludi pùbrica e bonu stadu de is aposentus scolàsticus;

Donau autu ca sa sanificatzioni de totu is aposentus de sa scola de pipiesa de su plessu de bia de Battisti dda ant a fai in data de oi;

Bias:

- sa lei n. 77 de càmbiu de su D.L. 19 de maju 2020, n. 34, chi pertocat *“Misure urgenti in materia di salute, sostegno al lavoro e all’economia, nonché di politiche sociali connesse all’emergenza epidemiologica da COVID-19”*;
- sa Circolari n.3 de su 24 de argiolas 2020 de su Ministru po sa Pùbrica Aministrazioni, innui s’agatant is inditus po fai torrai in siguresa is dipendenti de sa pùbrica aministrazioni me su logu de traballu;

Biu s’art. 50 de su T.U.E.L. D.Lgs n. 267/2000

ÒRDINAT

Po precautzioni a inghitziai de su 11 e finas a su 18 de donniassanti 2020, abetendi is spricullitus epidemiològicus, sa serrada de su locali scolàsticu imperau de sa setzioni D de sa scola de Pipiesa, de su primu Circulu Didàticu de Cabuderra, plessu de bia de Battisti e sa tasida de sa atividadi didàtica in presèntzia de sa classi interessada e de is maistus chi ddi pertocant;
de donai mandau a sa Dirigenti scolàstica de s’istitutu, Dott.ssa Michela Peretti, poita ca fatzat ponni in àutu sa disposta de custu pragoni;

LASSAT

A sa ATS Sardegna ASSSL Casteddu Dipartimentu de Igiene Sanidadi Pùbrica de averiguai po su chi ddi cumpetit.

PRETZETAT

Contras a custa disposta si podit fai ricursu a su T.A.R. de sa Sardìnnia intru 60 diis de sa data de sa notifica, e fintzas ricursu straordinàriu a su Cabu de su Stadu intru 120 diis de sa pròpiu data.

De sa Domu de su Comunu, sa dii de su 10.11.2020

SU SÌNDIGU
Francesco Dessì

Custu pragoni ddu notificant:

A sa Prefetura de Casteddu

A sa Legioni de is Carabineris Sardìnnia statzioni de Cabuderra

A su Cumandu de sa Politzia locali de su Comunu de cabuderra

A s'Uficiu Scolàsticu territoriali/USP (CA)

A s'ATS Sardinna ASSSL Casteddu – Dipartimentu Igiene Sanidadi Pùbrica